

ŽEMAIČIŲ VIENYBĖS DIENA

DURBĖS MŪŠIUI ATMINTI



Liepos 12 d. nuo 12 val.

Senovės Baltų turnyras „Kovos ratas“
Vakarų Europos riterių turnyras
Žemaičių ir kryžiuočių karių susirėmimai

Liepos 13 d. nuo 12 val.

Durbės mūšio inscenizacija

DALYVAUJA:

ŽEMAIČIAI - Vieningos baltų gentys VILKATLAKAI (LT) ir KOVARNIS (LT)

RITERIAI - „Šiaurinės šventyklos ordinas“ (LT)
„Dimicatio Sacra“ (LT)
„Hospitalierių ordinas“ (LT)
„Excalibur“ (LV)

Jau nuo penktadienio nuostabiame gamtos prieglobstyje Jūsų laukia SENIEJI AMATAI, stovyklavietė, kareiviška košė ir šašlykai, gaivinantys gėrimai, vakaronės bei tikra žemaitiška dvasia.



VIETA: kelias Rietavas – Tverai – Varnė (23 km), šalia Lapiškių pilinukelio!

REKEMAI



Žemaitių Kultūros Draugija (ŽKD)
UAB S. JURKUS IR PARTNERIAI

ORGANIZATORIAI

Romualdas Mireika
VO „Žemaitija Mano“
Senovės baltų karų brolija
VILKATLAKAI

SPORMACDRAUGIJOS



Rietavo Žemė

TELŠIŲ ŽINIOS



www.Labazemaitija.lt

DURBĒS MŪŠIOU – 750

PRUŠINSKIS KONSTANTĪNS



Durbės mūšė 750 metu
miniejama vėns iš žėnkliū (logo)

1260 metu lėipas 13 d. dabartėnės Latvėjės terėtuorėjuo (onkstiau kuršiu žemės), Lėipuojės rajuona Durbės miestelė apīlinkies, pri Durbės ežera, jungtėnės žemaitiu pajiegas, pri katrū prisėdiejė iš Kryžiuotiu ordina persimetė kuršė ėr estā, sumušė krīžiuotiu pajiegas. Durbės mūšis, kāp tvėrtėn daugelis istuoriku, bova dėdliausis XIII ėr XIV omžiaus laimiejėms priš Ordina. Tas mūšis paruodė, kuoki ėr stėpri Žemaitiu konfederacėjė, kuokėi išvermingė žemaitė.

Pu tuo mūšė daug kou pasėkėitė puolītėnė sitaucėjė pri Baltėjės jūras: iš Durbės ėr Georgenburga piliū Ordins bova priversts išvestė sava karėnės pajiegas, sokėla kuršė, žiemgalė, estā priš anū krašta užkariavusi Ordina, prasėdiejė 14 metu (1260–1274 m.) ožtrokės Prūsū sokėlėms, katram vaduovava Herkus Mants.

Pu Durbės mūšė Ordinou paaiškijė, ka anuo planā greitā užgruobtė Žemaitėjė ėr sunkė igīvendėnamė. Durbės pergalė lig pat XIII omžiaus 8 dėšimtmetė sostab dė Ordina skverbėmuos i Rītus. Tuokė puolītėnė pa-

dietės sodarė galėmībė sostėprietė Lietovuos valstībė.

Durbės mūšė reikšmie mūsa Lietovuos istuorėjuo ėr išskėrtėnā dėdėlė. Tou pripažīst tėik Lietovuos, tėik ėr užsienė šaliū istuorikā. Tik kėtė šiū dėinū lietovė nedaug kou aple tou mūši žėna, dar retiau anėi patė mūšė vėita Latvėjuo lonka. Tou isėtėkėna ėr mūsa leidėnė leidiejė pernā vasara aplonkė Durbė ėr pašnekėnė vietas gīventuojus. Bova lėkė vos metā laikā lig jubiliėjus, bet juokiū pasėrėngėma anam žėnkliū Durbie nesėmatė ėr nesėgėrdiejė.

Šės metās, ka Lietovuo ėr Latvėjuo bova platė mėnavuojems Žalgėrė mūšė 600 metu jubiliėjus (mėslėjem, ka Lietovuo ne tėik platė, kėik bova galėma tėkietėis, ka ėr krizės sālīguom), vėsos diemesīs bova skėrams tam mūšiu. Ėr tik aktīviū kai kuriū puolītėku, vėsuomenėniu organizacėju, Baranauskienės Ingas ėr grupės kėtū veikliū istuorėjės puoselietuojū dieka tas Durbės mūšė jubiliėjus solaukė vėsuomenie šiukė tuokė atgarsė. Valdiuos vīru ėr muotrėšku par mažos diemesīs Durbės mūšė jubiliėjou paskatėna ne vėina radėkaliesni žemaiti „ėiškuotė teisībės“ ėr dar karta primintė, ka Žemaitėjė bova, ėr ėr būs. Tou anėi darė ivairiausiuom formuom.

Šės laikās dėšimtīs istuorėku, muokītuoju, diestītuoju tėik vėsu Lietovuo, tėik ėr Žemaitėjės regėjuonė, je jau kou raša, diesta aple mūsa garbinga praeiti, vės Žalgiri mėnavuo, vuo Durbė lėikt nuošalie. Metā eit, vuo inpormacėjės aple anou vės mažiau ėr mažiau. Tėp ta istuorėnė atmintės ėr prarondama. Bluogā, ka tuos svarbės mūsa istuorėjės datas ėr prisimėnamas tik par jubiliėjus. Ėr dar... Vės ėr galvuojema, ka kas nuors kėts, vuo ne aš pats tor pasėrūpintė tou, kas mon ėr svarbo. Tad, je ožmėršuo valdiuos vīrams pasiūluotė priimtė valsībėnė Durbės mūšė puograma, je tou puograma patis nepadiejuom anėms parėngtė, nie kuo, musintās, šėndėin kaltintė. Aiško, kāp jau ėprasta tuo mūsa Lietovėlie, pėrštā nėižt vės, ka ė mažiausė puogā



Griušė Prana paveiksla „Žalgėrė mūšis“ fragmėnts

(Nukelta i 4 p.)



Durbės miesta herbas

(Atkelta iš 3 p.)

pasėtaikios, norint aple savėm kėtėms primintė (dā mes gīvė, dā toriem balsai!) pakedentė valdiuos vīru, atsakingu už valstībiniu programu kuravėma, čiuprīna, bet... Pėrmiausė matīt torem patis savėm kaltintė, ka dėrbam neplaningā, ka daug kou atsėmėnam tik paskotėnė akimirka. Tad ėe ne rezuoliucėjės priiminietė, matīt, rėktom, vuo kuožnās metās mintė platesnius takus i tas istuorėnės vėitas ėr anās keliautė pakvėistė vėsus, kas gal garėntoutė istuorėnė atminti.

Tėi, katrėi tou rūpėnuos, šiuo tou nuveikė ėr diel Durbės mūšė jubiliėjus. Pernā Lietovuos Respublikas Seimė net bova iregistrouts pasiūlīms 2010-ūsius metus paskelbtė Lietovuos nepriklausuomībės, Žalgėrė ėr Durbės mūšiu metās. Gailo, ka tas pasiūlīms pasiūlīmo tik ėr lėka. Šėik tėik vėitas Durbė atsėrada pasėrėngėma Žalgėrė jubiliėjus programuo. Bova organizoutė kelė keliautuoju žīgė ivairiuom transporta priemuonim, tėp pat ėr dvėratės, i Durbė, graži švėntė sorėngta Rėitava savėvaldībie, bėndruom žemaitiu ėr latviu jieguom pasėsekė suorganizoutė prasminga švėntė Durbie. I tus rėnginius isėtraukė Seima pirmininkė Degutienė Irena, atsėrada kas tus rėkalus kurouto ėr Krašta apsauguos ministerėjuo. Atsėrada ėr lietovėška interneta svetainė Durbės mūšiu skėrta.

Lėipas 9 d. elektronėnis portals „Lietuvos rytas“ straipsnie „Latvijoje minimas Durbės mūšio 750-metis“ paskelbė, ka tou dėina Latvejuo īr mėnavuojems Dur-

bės mūšė 750 metu jubiliėjus. Kėtė leidėnė tam īvikiou dėdlė dėdlė mažā vėitas teskīrė. Lietovėjškuos televizėjės laiduos mažne nieka aple tou negaliejė pamatītė.

No vuo tou lėipas 9 dėina švėntėnė programa Durbie pradiejė Latvejės ėr Lietovuos istuorikā muoklėnė konferėncėjė „Durbės mūšiu – 750“. Kėta dėina (lėipas 10), aikštie pri Durbės bažnīčės, vėikė amatininku torgos, koncertava Lietovuos ėr Latvejės folkluora ansablė, Durbės mažuojie Dūmuo bova atėdarīta paruoda „Durbė giliuo senuovie“, pri Durbės vėdorėnės muokiklas veikė „Vėdoromžiu kėims“, sava programuos ruodė senuovės kuovū mena grupė „Vilkatlakai“ ėr amatininkā.

Pavakarie prasėdiejė oficeliuoji švėntės dalės, katruo dalīvava Latvejės ėr Lietovuos seimu vaduovā. Durbės apīgardos tarībās pirmininks vedė ekskursėjė pu Durbė. Žmuoniū lonkuomuo Durbės pėlėis terėtuorėjuo vīka aukura sonešėma ėr ognėis rituals, ognėis ėr mozikas švėntė, skėrta vėsėms, katrėi atvīka i tus jubiliėjėnius rėngėnius. No vuo laužā degė, žemaitėškas ėr latvėškas dainas Durbie tou nakti skombiejė ligi pat aušruos.

Bova ėr tuokiū žemaitiu ėr ne žemaitiu, katrėi tou jubiliėju iprasmėna ėr konkretės darbās.

Lėipas 13 d. Kaunė, Vītauta Dėdliuojė kara muziejou bova pristatīts Lietovuo platė žėnuoma žemaitė dailininka Griušė Prana paveikslos „Durbės mūšis“. Tou prugo muziejou bova surėngta vėina kūrėnė paruoda ėr pristatīts paskotėnės metās daugiausė aple Durbės mūši viešā kalbiejosės ėr anuo reikšmė garsėnosės Baranauskienės Ingas istuorinis ruomans „Durbės mūšis. Nepasėdavė lemčiai“.



Durbės mūšė 750 metu jubiliėjus rėnginiū organizatuoriu rūpesnio sokorts vėns iš švėntės ženklū (logo)



Kvėitėma i Griušė Prana vėina paveikslo „Žalgėrė mūšis“ pristatīma Kaunė, Vītauta Dėdliuojė kara muziejauo, viršielis